

Kata Pengalo – Ngalo ras Momo

=====

Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage sidengkehken momo kerna perdalanan perpulungen Tuhan, bage pe rencana pelayanen gerejanta ku bas wari-wari si reh enda [\(Ngogeken Momo\)](#).

Kata Penaruh

=====

Kekelengen ni Tuhan, Minggu enda eme Minggu ija kita kerina idilo ertoto kerna Serayan Tuhan. Minggu enda kita ibabai guna nggejapken ulihi kerna ulina sura-sura Dibata i bas ndilo manusia jadi serayanNa, jenari selaku ring-ring ni Kristus, kita idilo guna sitatang-tatangen i bas pertoton. Alu bage, marilah sipesikap ukurta guna ersembah man Dibata.

Erkata Lonceng

(Perp. Tedis)

Rende

KEE No. 365 : 1, 2, 3

(Serayan Kebaktin Bengket Ku Mimbar)

Kebaktin Minggu, 06 September 2026
Minggu XIV Kenca Trinitatis / Minggu Notoken Serayan Tuhan I

3	Votum – Salam <i>(Perp. Tedis)</i>
L	I bas gelar Dibata Bapa si enggo milih kita jadi serayanNa, i bas gelar Jesus Kristus si jadi ulu pengajaren Berita si Meriah ras i bas gelar Kesah si Badia si jadi ulu gegeh jadi Serayan. Perkuah ate i bas Dibata Bapa, i bas Tuhan Jesus Kristus nari, ras i bas kerembaken Kesah si Badia, ras kita kerina gelah. Amin.
P	Amin Amin Amin <i>(iendeken)</i>
4	Berita Kerna Perbahanen ras Sura-sura Dibata (Invocatio)
L	“Ertotolah kerna kami pe o senina-senina” (1 Tesalonika 5 : 25). Erpalasken Kata Dibata enda, sipuji IA alu ras kita ngendeken : KEE No. 176 : 1, 2, 3
5	Kinata Kegeluhen Manusia I Adep-adepen Dibata <i>(Perp. Kundul)</i>
L	Alu Kuasa Dibata, itetapkenNa serayanNa guna nehken sura-suraNa ku doni enda. Adi si tulihken ku bas perdalanen geluhta, kuga nge ndia ketutusenta i bas ngikutken pendiloNa ?
Serayan	Ngaku kami Tuhan, kurang denga waktu kami, ertoto alu tutus kerna dahin-dahin gerejaNdu, bage pe notoken kerina serayanNdu. Mekatep kami lupa, maka kami serayanNdu, arus nggeluh sitatangen i bas toto. O Tuhan alemilah kami.
Nr/Nrs	Ngaku kami O Tuhan, kami pe selaku nora ras naras, kurang denga waktu kami, ertoto guna kiniulin dahin serayanNdu. O Tuhan alemilah kami.
P	Selaku perpulungenNdu, kami pe ngaku O Tuhan, maka kurang denga kami natang serayanNdu i bas pertoton, gelah megegeh ia ndahiken dahin gerejaNdu. O Tuhan alemilah kami.
L	Mari dage siakuken salah lepakta man Dibata arah ende-endenta : KEE No. 376 : 1, 2, 3

6	Berita Pengalami Dosa <i>(Perp. Tedis)</i>
L	Turang ras senina kenca siakuken salah lepakta i lebe-lebe Dibata, emaka selaku persuruhan Dibata, aku nehken kataNa man banta, nina Dibata : <i>“Kenca bage sada i bas malekat srafim ndai nari kabang ndahi aku. Ibabana rara si ibuatna i bas batar-batar persembahen nari alu jepit-jepit. Ikuitna biberku alu rara ndai, jenari nina, “Rara enda enggo ngkenai biberndu, e maka genduari salahndu enggo masap janah dosandu enggo ialemi” (Yesaya 6 : 6 – 7).</i> Meriah ukurta erkiteken kita tetap ikelengi Dibata arah padanNa si isehkenNa man banta. Emaka genduari sidadahken keriahen ukurta dengen ngatakan bujur man Dibata arah ende-enden pujinta : KEE No. 102 : 1, 3, 4
7	Kata Dibata <i>(Perp. Kundul)</i>
a	Marilah sibegiken Kata Dibata si man ogenken ibas Minggu enda sini ibuat ibas Kitab Jesaya 38 : 1 - 6. Mari siogeken secara pegancih. Sibenaken pengogenta <u>Raja Hiskia sakit janah malem ka</u>
38:1 L	Kira-kira i bas paksa si e, sakit Raja Hiskia janah nandangi mate. Nabi Jesaya anak Amos reh ndahi ia, janah nina man raja, “TUHAN nuruh kam maka ikatakenndu pedahndu si perpudina man kerina isi jabundu, sabap labo kam malem. Ersikaplah kam ngaloken kemaatenndu.”
38:2 P	Itukupken Hiskia ayona ku dingding, jenari ertoto ia nina,
38:3 L	“Ingetlah min TUHAN, maka enggo kusembah Kam alu tutus dengen patuh, janah tetap ngelakoken kai ateNdu ngena.” Kenca bage tangis Hiskia, megogo kal atena.
38:4 P	Kenca bage iperentahken TUHAN man Jesaya
38:5 L	gelah mulihken ndahi Hiskia lako ngatakan man bana, “Aku, TUHAN, Dibata nu nini-ninindu Daud enggo meg

38:6 P	pertotonndu janah ngidah iluhndu mambur. Kupegedang umurndu sepuluh lima tahun nari. Kupulah i kam ras kuta Jerusalem enda i bas raja Assur nari, janah tetap Kukawali kuta enda.”
	Ketuahen kalak simegiken Kata Dibata, dinggen simakekenca i bas geluhna si tep-tep wari, Haleluya. Ialoi perpulungen alu ngendeken : <i>Haleluya</i> <i>Haleluya</i> <i>Haleluya</i>

b	Ertoto guna Khotbah
c	Khotbah : Kolose 4 : 2 - 4. Tema : “Ertoto Guna Serayan”
d	Ertoto kenca khotbah
8	Pengakun Kiniteken <i>(Perp. Tedis)</i>
	Aku tek man Dibata Bapa si la ersibar kuasaNa, si nepa langit ras doni. Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate. Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap. Amin.
9	Persembahen <i>(Perp. Kundul)</i>
L	Turang ras senina seh me paksana kita ngendesken pesembahen pengataken bujurta man Dibata. Kata Dibata si jadi palas i bas kita ersembah nina : <i>“Bahan persembahen man bangKu. Janah Kualoken me persembahen si ibereken kalak alu ukurna ersuruh” (Keluaren 25 : 2).</i> Tupung sisehken persembahenta, sipuji Tuhan arah : KEE No. 289 : 1, 2, 3 Pertoton Persembahen ras Syafaat KEE No. 299 : 1 <i>(Lakon Peridin Mbelin)</i> KEE No. 302 : 1, 2, 3 <i>(Persembahen ku lebe)</i>
10	Perpadanen Man Dibata <i>(Perp. Tedis)</i>
L	Dibata enggo milih dengen ndilo kam jadi serayanNa guna nehken sura-suraNa i doni enda.
Serayan	Erpadan aku O Tuhan, tutus ateku ngikutken pendiloNdu, dengen ertanggungjawab ndahiken dahin si enggo iampekenNdu man bangku.

L	Dibata empersadaken kita i bas kula ni Kristus. Idilona kita guna natang serayanNa arah pertoton.
Nr/Nrs	Erpadan kami O Tuhan, ertutus ate notoken serayanNdu, gelah serayanNdu pentar dengen setia i bas ndahiken dahin gerejanNdu.
L	Perpulungen eme rarasen dengen keluarga Kristus. Perpulungen pe idilo Dibata natang serayanNa i bas pertoton, gelah megegeh ras pentar i bas ndahiken dahin Tuhan.
P	Erpadan kami O Tuhan, tutus ate kami notoken serayanNdu ras jabu serayanNdu, gelah ngasup ia ras keluargana, gelah reh ngasupna ia ndahiken dahin Tuhan. Jabuna jadi kemulian man baNdu, dengen jadi pasu-pasu man perpulungenNdu.
L	Emaka tetaplah kam ernalem man Dibata sabab nina Tuhan man bandu : “Aku, TUHAN, enggo ndilo kam lako ndalanken sura-surangKu. Ketegu-tegu janah Kukawali kam. Arah kam Kubahan perpadanen ras kerina bangsa, arah kam Kubereken terang man bangsa-bangsa”. Sipeteguhi perpadanenta sipuji Tuhan alu rende : KEE No. 468 (2x)
11	Pertoton Tuhan
12	Pengutusen Ras Pasu-pasu Dibata
L	Berkatlah kam ndalani kegeluhenndu, megenggenglah kam i bas meritaken berita si Meriah, sabap Dibata si enggo milih kam ndahiken dahin e, dengen alokenlah pasu-pasu idur Dibata nari : <i>“Ipasu-pasu janah ikawali Dibata kam, siang ayo Dibata ersinalsal ibabondu. Janah melias ateNa ngenehen kam. Itatap Dibata ku kam, janah malem ateNdu ibahan-Na”</i> Amin.
	Ialoi perpulungen alu ngendeken : A..min A....min Amin
	<i>SELAMAT HARI MINGGU/SYALOOM...</i>